

Lettre du Prince d'Orange au Magistrat d'Ypres.
— Affaires militaires. (Arch. Y.)

Messieurs. Ayant communicque avecq Monsieur de la Noue 1579
 et ayant eu ladvis des Messieurs les quatre membres, nous avons 5 Juillet.
 este d'advise que le meilleur moyen de travailler et rompre
 finalement l'ennemy est de mettre les compagnies qui sont en

— 402 —

flandres en garnison puisque nous avons a present encores le
 moyen de faire une guerre purement offensive contre nre ennemy.
 Pourtant je vous prie de ne faire faulte de recepvoir en vre ville
 quatre compagnies Escossoises que Monsieur de la Noue vous
 enverra, et si la necessite fut telle quil vous en fallut davan-
 taige de recepvoir ce quil vous enverra pour l'assurance de
 vre ville et du pays. J'espere, veu la reduction qui se fera des
 compagnies et le bon ordre qui se donnera que toutes les com-
 pagnies tant estrangieres que du pays doresnavant seront payees
 et que ce sera a peu de foudres qu'elles logeront en vre ville,
 ains a la decharge d'icelle et du pays circonvoysin. Sur quoy je
 prie dieu vous avoir

Messieurs en bonne sante heureuse et longue vie. d'Anvers ce
 v° de juillet 1579.

« Vre bien bon amy a vous faire service. »

GUILLE DE NASSAU.

A Messieurs les Gouverneurs Bourgmrs
 Eschevins et Conseil de la ville d'Ypre.

R^u et lecta pnt Raeden en Hoofmanen
 ix July 1579.